



Pou Biblikasyon Imedya: 17/05/2023

GOUVÈNÈ KATHY HOCHUL

GOUVÈNÈ HOCHUL ANONSE FÒMASYON POU KÒPORASYON PREPARASYON SITWAYEN ETA NEW YORK LA KOUNYE A SOU ENTÈNÈT NAN PLIZYÈ LANG

Nouvo vidéyo fòmasyon k ap edike Nouyòkè yo sou preparasyon pou ijans ki kounye a disponib nan 13 lang [sou YouTube](#)

Inisyativ Kòporasyon Preparasyon Sitwaye an déjà fòme plis pase 359,000 Nouyòkè depi 2014 pou prepare pou katastwòf nan Eta New York

Jodi a, Gouvènè Hochul te anonsé pwogram [Kòporasyon Preparasyon Sitwayen](#) (Citizen Preparedness Corps, CPC) Eta New York la ap ofri Nouyòkè yo fòmasyon sou entènèt an anglè ak sou-ti pou 12 lòt lang. Kòporasyon Preparasyon Sitwayen an te etabli an 2014 epi li gen ekspè ki soti nan Divizyon Sekirite Teritwa ak Sèvis pou Ijans yo (Division of Homeland Security and Emergency Services, DHSES), Gad Nasyonal New York Ian (New York National Guard) ak Lakwa Wouj Ameriken (American Red Cross) an. Pwogram nan te bay fòmasyon ak resous pou plis pase 359,000 Nouyòkè, konsantre sou preparasyon pou, reponn ak rekiperasyon apre katastwòf ak lòt sitiyasyon ijans ke yo ta ka fè eksperyans ak yo nan Eta New York.

"Lè nou ajoute yon eleman sou Entènèt nan pwogram Kòporasyon Preparasyon Sitwayen an, n ap pote enfòmasyon enpòtan ki pou sove lavi bay yon odyans ki pi laj epi n ap asire Nouyòkè yo pral pare pou reponn ak katastwòf ki ka vini sou wout nou", **Gouvènè Hochul te deklare.** "Pi gwo priyrite mwen se kenbe Nouyòkè yo an sekirite epi sa vle di ba yo zouti yo bezwen pou yo vin sitwayen ki pi byen prepare nan peyi a."

Komisè Divizyon Sekirite Teritwa ak Sèvis pou Ijans Eta New York la, Jackie Bray, te deklare, "Travay nimewo en nou an se kenbe piblik la an sekirite epi Kòporasyon Preparasyon Sitwayen an jwe yon wòl enpòtan nan efò sa yo. Deja, plis pase 350,000 Nouyòkè te resevwa fòmasyon sa a, epi ak lansman nouvo inisyativ sa a ki gen plizyè lang ki sou entènèt, n ap ede asire tout Nouyòkè — kèlkeswa lang yo pale— gen aksè ka enfòmasyon enpòtan sou preparasyon."

Majò Jeneral Ray Shields, Jeneral Adjwen Eta New York Ian, te deklare, "Depi 2014, Sòlda ak Avyasyon Gad Nasyonal New York yo te fyè de wòl yo jwe nan edike

Nouyòkè yo sou fason pou yo fè fas ak katastwòf yo epi pou yo rekipere apre yo. Nou kontan wè fòmasyon sa a kounye atenn yon pi gwo odyans sou entènèt la."

Nouvo fòmasyon sou Entènèt yo disponib kounye a ak odyo anglè ak sou-tit nan lang sa yo:

- Arab
- Bengali
- Chinwa
- Anglè
- Fransè
- Kreyòl Ayisyen
- Italyen
- Koreyen
- Polonè
- Ris
- Espanyòl
- Oudou
- Yidich

Out pase a, Gouvènè Hochul te anonse fòmasyon Kòporasyon Preparasyon Sitwayenan (CPC) an pèsòn ta rekòmanse atravè eta a apre yon poz nan kòmansman ane 2020 akòz pandemi COVID-19 la.

Pandan kou fòmasyon CPC yo, Nouyòkè yo aprann yon apwòch pou tout danje yo pou preparasyon, sa ki ba yo ladrès ke yo ka itilize nan nenpòt sitiyasyon ki menase lavi yo ak enfòmasyon sou fason pou devlope plan ijans fanmi yo ak enpòtans pou fè rezèv pwovizyon pou ijans, ak detay sou resevwa notifikasyon nan men sous tankou Sistèm Alèt Ijans (Emergency Alert System) lan. Nou ankouraje Nouyòkè yo pou yo enskri pou NY-Alert, sistèm alèt ijans gratis Eta a, lè yo vizite alert.ny.gov.

Orè fòmasyon CPC pou kou an pèsòn ak enskripsyon kou yo sou sitwèb DHSES la isit la.

Pou mande yon fòmasyon Kòporasyon Preparasyon Sitwayn nan zòn ou an, voye yon imèl bay: NY.Prepare@dhes.ny.gov.

###